

Ա Ր Ձ Ա Ն Ա Գ Ր ՈՒ Թ Յ ՈՒ Ն ԹԻՎ 09/02

ք.Երևան, Արշակունյաց 5.417 սենյակ

24.07.2017թ. ժամը 17:00

Համաձայն 07.07.2017թ. թիվ 10/11758-17 գրությամբ՝ ՀՀ Արդարադատության Նախարարությունը վերահսգեյազրված «ՍԳԿԿ» ԻԿԿ-ին՝ 30.06.2017թ-ին «Ամերիաբանկ» ՓԲԸ-ի վարչաիրավական և դատական պրակտիկայի բաժնի ղեկավար՝ Արման Մարտիրոսյանից ստացված միջնորդությունը «Կասավան» ՍՊԸ-ի սնանկության գործով կառավարիչ՝ Արմենակ Էլոյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ, կարգապահական վարույթ հարուցելու և դիմումում նշված փաստական հանգամանքների քննության համար՝ ս/թ-ի հուլիսի 24-ին ժամը 17.00-ին՝ հրավիրված «ՍԳԿԿ» ԻԿԿ Կարգապահական հանձնաժողովի նիստին.

**ԾԱՆՈՑՎԱԾ ԷԻՆ՝**

Հանձնաժողովի անդամ՝ Արմենակ Ադամյանը  
Հանձնաժողովի անդամ՝ Հարություն Գևորգյանը  
Հանձնաժողովի անդամ՝ Ռուբեն Խալաթյանը  
Հանձնաժողովի անդամ՝ Հենրիկ Մարտիրոսյանը  
«Կասավան» ՍՊԸ-ի սնանկության գործով կառավարիչ՝ Արմենակ Էլոյանը  
Դիմումատու՝ «Ամերիաբանկ» ՓԲԸ-ի վարչաիրավական և դատական պրակտիկայի բաժնի ղեկավար՝ Արման Մարտիրոսյանը:

**ՄԱՍՆԱԿՑԵՑԻՆ՝**

Հանձնաժողովի Նախագահ՝ Տիգրան Հարությունյանը  
Հանձնաժողովի անդամ՝ Հարություն Գևորգյանը  
Հանձնաժողովի անդամ՝ Ռուբեն Խալաթյանը  
Հանձնաժողովի անդամ՝ Արմենակ Ադամյանը  
«Կասավան» ՍՊԸ-ի սնանկության գործով կառավարիչ՝ Արմենակ Էլոյանը:  
Դիմումատու՝ «Ամերիաբանկ» ՓԲԸ-ի ներկայացուցիչներ Սուսաննա Վարդանյանը և Ջաքար Գրիգորյանը:

**ՕՐԱԿԱՐԳՈՒՄ՝**

«Ամերիաբանկ» ՓԲԸ-ի վարչաիրավական և դատական պրակտիկայի բաժնի ղեկավար՝ Արման Մարտիրոսյանի միջնորդության հիմքով, «Կասավան» ՍՊԸ-ի սնանկության գործով կառավարիչ՝ Արմենակ Էլոյանի, գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման, միջնորդությամբ նշված փաստական հանգամանքների քննության և սնանկության գործով կառավարչի վարքագծի վերաբերյալ, կարգապահական վարույթ հարուցելու հարցը:

**ԼՍԵՑԻՆ՝**

Կարգապահական Հանձնաժողովի նախագահ՝ Տիգրան Հարությունյանը ներկայացրեց, «Ամերիաբանկ» ՓԲԸ-ի վարչաիրավական և դատական պրակտիկայի բաժնի ղեկավար՝ Արման Մարտիրոսյանի միջնորդությունը և կից փաստաթղթերը, նշելով որ միջնորդությունը բանկը ներկայացրել է Անդրանիկ Ելինյանի անվամբ, բայց իրականում «Կասավան» ՍՊԸ-ի սնանկության գործով կառավարիչ է հանդիսանում՝ Արմենակ Էլոյանի առաջարկեց հանձնաժողովի անդամներին քննարկել սնանկության գործով կառավարիչ՝ «Կասավան» ՍՊԸ-ի սնանկության գործով կառավարիչ՝ Արմենակ Էլոյանի նկատմամբ «ԿՀ գործունեության և ՍԳԿ-ի նկատմամբ

կարգապահական վարույթի իրականացման» Կարգի 1.4 կետի հիմքով, կարգապահական վարույթ հարուցելու հարցը:

Հանձնաժողովում նախագահողը հարցը դրեց քվերակության

**ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Չեռնպահ - 0

**ՈՐՈՇԵՑԻՆ՝**

07.07.2017թ. թիվ 10/11758-17 գրությանը՝ ՀՀ Արդարադատության Նախարարությունը վերահսգեյազրված «ՍԳԿԿ» ԻԿԿ-ին՝ 30.06.2017թ-ին «Ամերիաբանկ» ՓԲԸ-ի վարչաիրավական և դատական պրակտիկայի բաժնի ղեկավար՝ Արման Մարտիրոսյանի 26.06.2017թ-ի միջնորդության հիմքով, «Կասավան» ՍՊԸ-ի սնանկության գործով կառավարիչ՝ Արմենակ Էլոյանի գործողությունների /անգործության/, դիմումում նշված փաստական հանգամանքների քննության և սնանկության գործով կառավարչի վարքագծի վերաբերյալ, հարուցել կարգապահական վարույթ:

**ԼՍԵՑԻՆ՝**

Հանձնաժողովի նախագահ՝ Տիգրան Հարությունյանը ներկայացրեց ստացված միջնորդությունը կից փաստաթղթերը և առաջարկեց հանձնաժողովի անդամներին քննարկել միջնորդության մեջ նշված հանգամանքները, սնանկության գործով կառավարիչ՝ Արմենակ Էլոյանի որպես «Կասավան» ՍՊԸ-ի սնանկության գործերով կառավարիչ, գործողությունների /անգործության/ փաստական հանգամանքները և սնանկության գործով կառավարչի վարքագծի և նրա գործողությունների օրենքին համապատասխանության, նկատմամբ հայտնել կարծիք:

Հանձնաժողովի անդամ՝ Ռ. Խալաթյանը, առաջարկեց լսել ներկա գտնվող սնանկության գործով կառավարիչ՝ Ա. Էլոյանին և նրա ներկայացրած փաստարկները:

Հանձնաժողովի նախագահ՝ Տ. Հարությունյանը ձայնը տվեց, սնանկության գործով կառավարիչ՝ Արմենակ Էլոյանին, ով մասնավորապես նշեց, որ «Կասավան» ՍՊԸ-ն սնանկ է ճանաչվել ՀՀ ԿԱ ՊԵԿ-ի դիմումի հիմքով 29.11.2016թ-ին, Երևան քաղաքի Ավան և Նոր Նորքի ընդհանուր իրավասության դատարանի ԵԱՆԴ/0162/04/16 վճռով, նույն դատարանի 05.12.2016թ-ի որոշմամբ սնանկության գործով կառավարիչ է նշանակվել ինքը, որից հետո ձեռնամուխ է եղել ընկերության գույքի այդ թվում նաև «Ամերիաբանկ» ՓԲԸ-ի հանդեպ պարտավորությունների կատարման ապահովման միջոց հանդիսացող անշարժ և շարժական գույքի հայտնաբերման և գույքագրման աշխատանքներին: Գրավի առարկա անշարժ գույքը գույքագրվել է, բայց շարժական գույքը չէր հայտնաբերվում կառավարչի կողմից, քանի որ պարտապանը ի սկզբանե բացակայել է և առկա չէր ոչ մի պաշտոնատար անձ կամ փաստաթուղթ վկայելու գույքի գտնվելու վայրի մասին: Որոնողական աշխատանքների ընթացքում համագործակցելով պարտատիրոջ հետ մեծի մասիվ և նրա ջանքերով գրավի առարկան հայտնաբերվել է, որի մասին բանկը գրավոր տեղեկացրել է իրեն և իր կողմից 21.06.2017թ-ին նշանակվել է հայտնաբերված 5 անուն գույքի գույքագրում: Նշանակված օրը Երևան քաղաքի Մ.Խորենացի 24 հասցեյի թիվ 3 համարի՝ քաղաքացի Սամվել Դուկասյանի, տաղավարում կատարվել է գույքագրում և 21.06.2017թ-ին գույքագրվել է 4/չորս/ անվանում գույք, որի վերաբերյալ կազմվել է համապատասխան արձանագրություն «Գույքագրում կատարելու մասին»: Չգույքագրված 1 անվանում սարքավորումը մինչ օրս դեռ չի հայնաբերվել, որի վերաբերյալ կատարվում են որոնողական աշխատանքներ:

Գույքագրված գույքի պահպանություն իրականացնելու համար, գույքը նույն արձանագրությամբ հանձնել են ի պահ՝ տաղավարի տեր՝ Սամվել Դուկասյանին և պարտավորեցրել՝ պահպանել, չփչացնել, չվնասել և առաջին իսկ պահանջի դեպքում վերադարձնել:

«Ամերիաբանկ» ՓԲԸ-ի ներկայացուցիչ Սուսաննա Վարդանյանը հարց տալու համար ձայն խնդրեց և ստանալով նախագահողի թույլտվությունը հարց ուղղեց ՍԳ կառավարչին առ այն, թե ինչ պատճառով է, որ գույքագրումը կատարվել է նշանակված ժամից հետո, առանց բանկի

ներկայացուցիչների և ինչու այդ գույքը ի պահ չի հանձնվում բանկին, քանի որ իրենք ցանկանում են ի պահ վերցնել գույքը և պահպանությունը իրականացնել իրենց միջոցներով և անվճար:

Մնանկության գործով կառավարիչը պատասխանեց որ նշանակված ժամից շեղումը կատարվել է գույքագրման հնարավորություն ստեղծելու աշխատանքները կատարելու և կողմի կողմից համապատասխան փաստաթղթերի ներկայացման միջնորդության հիմքով, բայց գույքագրումը կատարվել է նույն օրը և սահմանված կարգով: Ինչ վերաբերվում ի պահ հանձնելուն, ապա դա գույքի պահպանության կառավարչի օրենքով սահմանված պարտականության իրականացման եղանակ է, որը կառավարիչը իրականացնում է իր որոշմամբ և իր պատասխանատվությամբ, որը չի պահանջում պարտատիրոջ թույլտվություն կամ համաձայնություն և չի կարող քննարկվել պարտատիրոջ կողմից և դառնալ բողոքի պատճառ: Կառավարիչը նշեց նաև որ իր կողմից կատարվել են այն բոլոր գործողությունները, որոնք սահմանված են օրենքով, որպես կառավարչի լիազորություններ և վստահ է որ իր գործողությունները կնպաստեն, սնանկության վարույթի հետագա գործառույթների ժամկետներում և առավելագույնս արդյունքներով կատարելուն:

«Ամերիաբանկ» ՓԲԸ-ի մյուս ներկայացուցիչ Ջաքար Գրիգորյանը, ձայն վերցնելով պնդեց իրենց այն կարծիքը, որ իրենք ցանկանում են, որ կառավարիչը գույքը ի պահ հանձնի բանկին, որը կբացառի գույքերի հետագա օգտագործումը, հակառակ դեպքում իրենք կդիմեն այլ համապատասխան մարմիններին, համապատասխան միջոցներ ձեռնարկելու պահանջով, արդեն սանկության գործով կառավարչի դեմ:

Հանձնաժողովի անդամները քննարկեցին հարցը, մասնավորապես հանձնաժողովի անդամ Հ. Ադամյանը հայտնեց այն կարծիքը, որ ներկայացված միջնորդությունը Բանկը ներկայացրել է՝ Դատարանին, պարտապանի ՍԳ Կառավարչին և ՀՀ Արդարադատության Նախարար՝ Դավիթ Հարությունյանին և խնդրել՝ «Իրականացնել օրենսդրությամբ սահմանված գործողություններ *ապօրինի տիրապետողներից* գույքը հետ պահանջելու ուղղությամբ և դրանց ազատ տեսքով պահպանության ընդունելու կամ հանձնելու և հետագայում աճուրդի և հավանական գնորդներին ներկայացնելու նպատակով»: Նշված հասցեյատերերից ոչ մեկը չունի իրավասություն գույքը *ապօրինի տիրապետողներից* հետ պահանջելու, բացի սնանկության գործով կառավարչից, որը այս պարագայում պետք է դեռ պարզի թե տիրապետումը ապօրինի է թե ոչ, իսկ դրա համար պետք է կատարի համապատասխան փոստաթղթային ուսումնասիրություններ, որը պահանջում է առաջին հերթին փաստաթղթերի առկայություն, որը կառավարիչը չի տնօրինում և դա կատարելու համար անհրաժեշտ է ժամանակ: Հանձնաժողովի անդամի կարծիքով ՍԳ կառավարիչի գործողությունները ուղղված են եղել գույքի փաստացի առկայության ֆիքսման, որը հետագայում կտար նրան հնարավորություն փաստաթղթային ապացույցների հայթայթման և գույքի սեփականատիրոջ վերաբերյալ պարզաբանումներ կատարելուց հետո միայն նա կունենար իրավակալ հնարավորություն տնօրինելու գույքի հետագա ճակատագիրը: Այսինքն կառավարչի գործողությունները ստեղծված իրավիճակում իրավաչափ են և իրենց մեջ չեն պարունակում օրենքի կամ վարքագծի կանոնների խախտումներ ու պետք է, որ բաղոքի առիթ չտաին:

Հանձնաժողովի նախագահ՝ Տ. Հարությունյանը համաձայնեց արտահայտած կարծիքին և ավելացրեց, որ սնանկության վարույթում պարտապանի գույքի գույքագրման պրակտիկորեն կատարվում է գույքի որոնողական աշխատանքների արդյունքում, որոնք շատ դեպքերում, մասնավորապես նաև այս դեպքում կատարվել են գույքի հայտնաբերումից հետո, որը կատարվել է կառավարչի կամքից անկախ, առանց նրա մեղավորության և այս պարագայում կառավարիչը կատարել է իր պարտականությունների մեջ մտնող բոլոր գործողություններ՝ գույքագրում և գույքի ամբողջականության պահպանության կազմակերպում, իսկ ինչ վերաբերվում է գույքը բանկին ի պահ չտալու հանգամանքը բանկի կողմից շահարկելուն, ապա դա կառավարչի կողմից պարտականության իրականացում է, որը կառավարիչը իրականացնում է իր պատասխանատվությամբ և բնական է, որ իր միանձնյա որոշմամբ:

Այսինքն ՍԳ կառավարիչ՝ Ա. Էլոյանի գործողությունները կատարվել են «Սնանկության մասին» ՀՀ օրենքի 56-րդ հոդվածի կարգով և բխել են նույն օրենքի 55-րդ հոդվածի 1-ին մասի պահանջների կատարման անհրաժեշտությունից և հիմնավորված են 29-րդ հոդվածի 1-ին մասի /ե/ կետով իրեն վերապահված լիազորություններով:

Հանձնաժողովի անդամ՝ Ռ. Խալաթյանը և Հ. Գևորգյանը նույնպես համաձայնեցին այն մտքին, որ կառավարչի գործողությունները չեն պարունակում օրենքի կամ վարքագծի կանոնների

խախտումներ և կատարվել են «Սնանկության մասին» ՀՀ օրենքի 56-րդ հոդվածի կարգով և բխել են նույն օրենքի 55-րդ հոդվածի 1-ին մասի պահանջների կատարման անհրաժեշտությունից և հիմնավորված են 29-րդ հոդվածի 1-ին մասի /ե/ կետով իրեն վերապահված լիազորություններով. իսկ փաստական հանգամանքները ուսումնասիրությունից հետո պարզ է, որ հարուցված կարգապահական վարույթ անհրաժեշտ է կարճել, ՍԳ կառավարիչի մեղքի բացակայության պատճառաբանությամբ:

Հանձնաժողովի նախագահ՝ Տ. Հարությունյան առաջարկը դրեց քվեարկության՝

**ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Չեռնապահ - 0

**ԵԶՐԱԿԱՅՈՒԹՅՈՒՆ՝**

1. 07.07.2017թ. թիվ 10/11758-17 գրությամբ՝ ՀՀ Արդարադատության Նախարարությունը վերահսգեց զբղված «ՍԳԿԿ» ԻԿԿ-ին՝ 30.06.2017թ-ին «Ամերիաբանկ» ՓԲԸ-ի վարչաիրավական և դատական պրակտիկայի բաժնի ղեկավար՝ Արման Մարտիրոսյանի 26.06.2017թ-ի միջնորդության հիմքով, «Կասավան» ՍՊԸ-ի սնանկության գործով կառավարիչ՝ Արմենակ Էլոյանի գործողությունների/անգործության/ նկատմամբ հարուցված կարգապահական վարույթը կարճել, քանի որ կառավարիչ գործողությունները չեն պարունակում օրենքի կամ վարքագծի կանոնների խախտումներ և կատարվել են «Սնանկության մասին» ՀՀ օրենքի 56-րդ հոդվածի կարգով և բխել են նույն օրենքի 55-րդ հոդվածի 1-ին մասի պահանջների կատարման անհրաժեշտությունից և հիմնավորված են 29-րդ հոդվածի 1-ին մասի /ե/ կետով իրեն վերապահված լիազորություններով ու կարգապահական վարույթի ընթացքում նրա մեղքը ապացուցող փաստերի /ապացույցների/ բացակայության պատճառաբանությամբ:

2. Սույն Եզրակացությունը սահմանված ժամկետում ներկայացնել Դիտորդ Խորհրդին հետագա որոշում կայացնելու նկատառումով:

Հանձնաժողովի նախագահ՝ Տ. Հարությունյան

Հանձնաժողովի անդամ՝ Ա. Ադամյան

Հանձնաժողովի անդամ՝ Ռ. Խալաթյան

Հանձնաժողովի անդամ՝ Հ. Գևորգյան